

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

- 1. Arctic Umiaq Linep umiarsuaata Sarfaq Ittuup Nanortalimmut Nanortalimmiillu ilaasunik 2017-imiit kiffartuussisalersinnaanissaa Naalakkersuisunit isumaliutigineqarpa?**
- 2. Arctic Umiaq Linep umiarsuaata Sarfaq Ittuup Nanortalimmut annguttalersinnaanissaa aningaasatigut piffissatigullu inuiaqatigiinnut sunniutissai Naalakkersuisunit ilisi-maneqarpat?**
 - a. Aappi: Nassuiaatigineqarsinnaappat?**
 - b. Nagga: Nassuiaatigineqarsinnaappat**
- 3. Arctic Umiaq Linep umiarsuaata Sarfaq Ittuup Nanortalimmut annguttalersinnaanera anguniarlugu piffiit maanna tikinneqartartut eqqarsaatigalugit Naalakkersuisut pingaarnersiunissamut ujartuinissamut piumassuseqarpat?**
- 4.**
- 5. Arctic Umiaq Linemut amigartoorutinut qularnaveeqqut 2016-imi atorunnaassaaq, qularnaveeqqullu qanoq isikkoqarluni 2016-ip kingorna ingerlariaqqissanersoq Naalakkersuisut misissorlugu aallartereerpat?**

(Inatsisartunut ilaasortaq Anders Olsen, Siumut)

Tunngavilersuut:

Ukiorpaaluit matuma siornatigut nunatta kujataani silaannakkuinnaq angallannikkut kiffartuussinissat isumaqatigiissutaamatali Qaqortumiit kujammut Nanortalik eqqaamiuilu angallannikkut Eqartorujussuarmik akisuumillu ingerlatsiviulersimanerat nunatta kujaterpiaani innuttaasusugut miserratiginagu oqaatigisinnaavarput.

Imaatigut umiatsiaaqat mikisut atorlugit innuttaasut angalasariaqartarnerat takornartaanngilaq, tamannalu toqqissisimananngilaq, tassami nunatsinni silarluffiunerpaap imarluffiunerpaallu ilaanni najugaqarnerput qularnanngilaq.

Sarfaq Ittuk Qaqortumiit Nanortalimmut ingerlaarsinnaassuseqarpoq akunnerni tallimaniit arfilinut sivissusilimmik, taamaattumik akunnerit taakkuminnguit atorlugit Nanortalik tikinneqartarsinnaappat innuttaasut, inuussutissarsiuteqartut takornarissallu atorluarsinnaagaat isumaqarpunga.

2016 ilanngullugu amigartoorutinut qularnaveeqqusiinissaq pillugu Arctic Umiaq Line isumaqatigiissuteqarfineqarnikuuvoq, aappaagumiillu qanoq ilusilimmik nunatta karsia tapiissuteqarluni

ingerlaqqissanersoq paaserusunnartunut ilaavoq, tassami imaatigut angalasinnaanikkut periarfissat innuttaasunut amerlanerpaanut periarfissaanissaa sulissutiguartariaqarpoq.

Piffissanngorpoq nunatta kujaterpiaani innuttaasut, meeqqat, utoqqaat, inuussutissarsiortut kiisalu takornarissat eqaatsumik akikitsumillu angalasinnaanissaat piviusunngortissallugu!